

Brambrüeler

Ausschnitte aus dem Programm 2006

Uf em Friedhof meint d´Frau Müller voller Sorga.
Kurt Du stinksch nach Schnaps, sufsch jetza schu am Morga.
Nei nai do ischs normal mit alkoholisierter Luft,
Do vorna isch em Harald Juhnke sini Gruft.

Dr Böög in Zürich zündens gera ah.
Statt em Böög khömmend ds Frankriich d´Autos drah.
D´Franzosa sind und das isch jetzt verworra,
Miar sympatischer, dia hen khei Zürischnorra.

Im Wetterbricht für´s Engadin kasch vernäh
As sig bewölk t- und häg a Meter Schnee
Das mim Schnee - bezücht sich doch – i wetta-
Nid uf Pischta - sondern uf Toiletta.

◇ Dr Philip tuat dia Chanca nutza
Goht uf St.Moritz go Schissi putza.

Z´Asylantawesa khan i nid verstoh
I han fasch z Gefühl s´ wird jeda inagloh
Für sonas ämtli passti doch – tüend eu besinna
Dr Zuberbühler – au de loht jeda ina.

Dia englisch Spar-Reform hät so ihra Reiz
In da Kircha wird ab sofort nümma gheizt
Z´Problem wird glöst mit Klugheit und mit Charme
Jeda Tag a Schwulahochzit – so bliibs warm.

Für d´Überschwemmigsopfer hen miar alli gspendet.
Jetzt wird das Geld verteilt, denn d´Sammlig isch beendet.
D´Swiss kriagt d´Hälfti im Minimum und jedafalls,
denn dena stoht jo s´Wasser ständig bis zum Hals.

I stülp dr Mundschutz über mini Zäh
und züch dr Penisschoner fescht as tuat fasch weh
dr Helm sitzt au und „alles gueti“ wünscht min Schatz
jetz stigi inna in da Bus am Bahnhofplatz.

An dera Stell wär a Vers vom Blocher gho
Doch kurzerhand hän miar dä usem Programm gno
Hätten miar dä nämlich karikaturiert
Hätten mier am End a Weltkrieg provoziert.

Nid jedas Sprichwort hät a tüfa Sinn
Lügen haben kurze Beine find i schlimm
Wenn das stimma wür mit däna kurza haxa
Wär am Busch sis Füdla grad an Zeba gwachsa.

Wär üs kkennt, dä isch vielleicht verdutzt.
Wort wia Titta und Zipfel händ miar Hür nid benutzt.
Aus Thema Bundesrot hend miar elegant umfahra
So hend miar au no s'Wörtli Arschloch khönna spara.